

游廬山記

入東林寺記

袁宏道

江州半日程抵東林石路縈折然猶未當山足遠公奧而菴之
宗雷陶謝疊足而崖竇之雖微佳山水固已心折殿前藕池耘
為稻畦數年前忽秀白蓮一枝妄意六時堂中人當有來者此
一時也茶竟聽泉石上遇其泓則漱嶼則坐不覺至西林時微
雨山色為雲所局稍露半髻獨下雉諸巒晴霞如彩光射澄湖
冶波鱗鱗西望良久乃去

雲峰寺至天池寺記

雲峰寺而上道愈巖青崖邃谷而疊而行絮而粘屨者曰雲幽

道藏輯要

天下名山記
江西廬山袁

七

軫集三

咽而風絃者曰澗獨石而梁一絲百尺下臨千仞者曰錦澗橋
纈紅縈碧蜿蜒而道者曰九疊屏一名九旗峯怒而兀忽如悍夫之
介而相怖者曰鐵船峰數里一息芟崖而亭之者五路欽削杖
而躋遇泉則卷葉以酌過試心石望竹林寺後戶泉韻木響皆
若梵唄乃拜亭盡梵剎出上霄諸峰障而立猶在天半佛廬甚
華整覆以鐵一溪漲綠冷然塔下稍定乃上文殊臺俯盤鷹見
背千頃一杯少焉雲縷縷出石下繚松而過若茶煙之在枝已
乃為人物鳥獸狀忽然匝地大地皆澎湃撫松坐石上碧落而
下白雲是亦幽奇變幻之極也走告山僧山僧曰此恒也無足
道